

活人錄彙編

六

林氏活人錄彙編卷之十一

三原張在浚念亭氏重輯

錢塘張

濤學海氏

榕荔園氏

校正

心胃痛門

或問心痛之因可得聞乎

荅曰心爲君主之官神明出焉乃人一身之主宰邪不得而傷病則危殆故真心痛者旦發夕死夕發旦死今之所謂痛者心包絡病也包絡係裏心之脂膜猶帝城之

有郭郭屬手厥陰經與手少陽三焦相火爲表裏包絡
爲心之相代心行令三焦爲腎之相代腎用事蓋心腎
之火一氣相通所謂坎離交姤則包絡三焦之相火亦
出一源治分上下此言心痛實包絡受邪干之而爲病
猶之腎水不足者必曰相火有餘之義也

心痛之脉與形証 包絡之痛痛于兩乳之中鳩尾之間
卽膈中也其痛之狀如否結不舒又如嘈雜難過少欲
舒展則碍而痛否則無恙此乃鬱鞠之氣不伸脉必沉

而微急亦有失血之後瘀血留滯胸中隱隱否痛綿綿
不已者其脉必沉而弦濇亦有痰涎停伏窒碍不通而
痛症兼頭暈惡心脉必沉滑不清更有本經血滯氣鬱
久從火化而虛痛難遣痛雖不甚而煩冤否悶悒悒不
樂止發無常不碍飲食者脉必濇弱而虛數此症皆由
勤讀深思勞煩過慮所致必兼虛汗盜汗煩躁無寐等
症已上四端皆俗所謂之心痛也

心痛治法

氣逆膈中久鬱不伸以開鬱調氣爲主倘氣

鬱化火兼以滌之瘀血爲痛者以和血消瘀爲主兼之
化氣蓋血隨氣配氣行則瘀自消也氣鬱化火火鬱生
痰因痰而痛必兼調氣清火者治痰之本也包絡本經
病者必先和血以清熱調氣以開鬱兼之滋益以培
足

心包絡膈中否痛主方

川貝母

錢二

橘紅

錢一
五分

丹參

當歸

石菖蒲

錢各一

益智仁

遠志肉

錢各五
分

水煎午前午後服

氣鬱必有痰痰氣併結未有不痛者故君以貝母橘紅
順氣清痰佐菖蒲益智開鬱止痛當歸遠志丹參和血
醒神服寧志丸或牛黃清心丸如本經之氣結滯以
致血鬱爲痛者加鬱金末一錢以前藥泡服如客血

留滯臃中加紅花延胡索各一錢去丹參益智遠志

如痰涎壅盛脉滑有力加茯苓一錢五分枳實一錢去
丹參當歸服導痰丸或沉香滾痰丸雖有積痰脉來緩

弱者仍服牛黃清心丸

如鬱火盛而口苦舌燥脉弦

而數者加黃連五分服清鬱丸

如勞煩思慮心虛血

少加棗仁二錢人參茯神各一錢去貝母減橘紅五分

陽虛喜煖者服寧志丸陰虛惡燥者服安神丸

寧志丸

治陽虛心氣不足氣鬱爲痛神衰志弱面目黧

黑抑抑不舒

方見包絡膻中氣虛條

牛黃清心丸

治心虛不足火侵包絡怔忡煩躁氣逆痰

凝

方見中風門中腑實症條

導痰丸

治積痰結滯致氣逆膈中爲痛

方見痰飲門

沉香滾痰丸

肺胃痰凝大腸熱結火炎氣逆膈中結滯

而痛

方見中風門中腑實症條

清鬱丸

三焦氣鬱化火火鬱爲痛

方見鬱門血鬱條

安神丸

方見火門心與小腸虛火條

或問痛在鳩尾之下三腕之間其致病之因與前症同乎

否乎

荅曰此爲胃腕痛也病者之因有氣鬱火鬱痰凝停食受

寒傷熱蛔厥瘀血胃虛九種之異胃爲水穀之海能受
能容可行可導非比包絡臚中氣餒血弱難于攻逐者
也

胃痛之脉與形証

氣鬱爲痛者六脉沉而帶弦沉爲營

氣閉塞不通弦則濁氣滯而爲痛痛兼脹滿按之愈甚
者肝脾之氣不和也久鬱之氣反兼火化其痛如刺痛
則否滿嘈雜止發不常不食少緩多食則痛甚至口乾
喉燥吞酸吐酸二便不利脉多沉弦肝胆之氣鬱火盛

也肝脾之脉弦滑不清此氣滯而津液凝結爲痰或素有痰飲隱伏阻塞氣道爲痛痛則嘔吐吐則少緩者痰病也氣口脉滑而有力或沉弦滑數者此由中氣不運飲食停滯難消或食後感寒受氣卒然嘔惡膨脹而痛其痛連心胸腸胃勢不可忍者食也一時寒淫感觸不作表熱直達于胃與胃之水穀痰積併結爲痛外則畏寒肢體痠疼內則惡心胸腹窘迫其脈沉弦緊濇或沉伏不起寒之病也體弱之人血虛內熱且素有鬱火而

胃腑復感暑邪痛因火盛熱傷元氣嘈雜煩渴頭眩目
脹脉必浮弦而數或沉數不清者熱之故也素有濕熱
之氣積于腸胃致生蛔蚘非寒則熱使蟲不安卒然攻
痛痛則唇青手厥欲吐不吐欲利不利止發不定痛不
可忍脈來乍大乍小或沉或浮平日面帶青黃肌消內
削者此蚘厥也瘀血停滯中宮氣弱不能行導時常碍
痛至夜尤甚眼白淡黃皮膚黃黑惟飲食無碍而脈必
濇數或弦緊急疾者血鬱而內熱也若中氣久虛胃寒

脾弱失其健順營運之常以致濁氣凝寒時爲否痛喜
食辛溫熱飲脉來沉遲緩弱或沉弦無力者本胃虛氣
滯爲病也

胃痛治法

氣鬱者踈肝健脾爲主理其氣而痛自止也

火鬱則發之木鬱則達之踈肝正以達氣清火兼能消
痰而火痛自愈治痰必先順氣氣順則痰飲自清痰清
則痛亦自釋停食者胃必寒氣必滯治當溫中理氣佐
其運導而食易消痛自止寒邪客胃非辛溫不散痰食

阻塞非溫消不通能散能通何患其痛之不止表熱以
辛涼散之內熱以苦寒清之表裏兼清使熱得以疎泄
而痛自愈治蟲以酸寒安之以辛苦逐之安之暫緩其
痛逐之永拔其根行血必通氣消瘀必潤燥辛以潤之
苦以行之爲治瘀止痛之要胃腑虛寒理宜溫補培火
益氣則脾能健運胃能受任凝寒散而濁氣消又何痛
之有哉

胃脘痛主方

山查肉 三錢 半夏 一錢五分 枳實 延胡索 各一錢

陳皮 一錢五分 白蔻仁 五分 木香 三分 生薑 一片

水煎不拘時服

蓋胃主司納爲水穀之海無空虛之日痛則必由氣滯而水穀因之亦停所以痛時必先戒食飲食不斷痛亦不止故君以查肉者不獨能消有形之食積而于疎肝開鬱和血健脾之功不少痛由氣滯痰凝故以陳皮半夏消痰木香荳蔻開鬱順氣枳實摧堅破積不惟止痛

復能利痰消食

如氣鬱氣實者加延胡砂仁各五分

服沉香寶靈丸

火鬱者加黃連山梔各一錢去木香

荳蔻服清鬱丸或芩連橘半枳朮丸

痰盛者加枳實

五分桔梗一錢去木香荳蔻服導痰丸

氣滯熱結者

沉香滾痰丸脾弱者橘半枳實丸

停食者加麥芽二

錢神曲一錢五分厚朴一錢去木香荳蔻延胡服保安

丸或香砂枳朮丸傷生冷則服脩噤丸或香砂萬安丸

受寒者加淡豆豉防風各二錢蘇葉一錢五分生薑

二片去木香荳蔻延胡服蘇合丸 傷熱者加乾葛三

錢黃連五分去木香荳蔻山查服正氣丸 蛇厥者加

五靈脂二錢檳榔苦楝根各一錢延胡川椒黃連烏梅
各五分去木香豆蔻服化蟲丸或妙應丸 如瘀血停

滯加桃仁一錢五分紅花一錢肉桂五分去半夏豆蔻

服抵當丸 脾胃虛寒加白朮三錢人參一錢五分炮

薑肉桂各五分去山查枳實延胡服理中丸或參附理

中丸

沉香保靈丸

見聚門

清鬱丸

見鬱門

芩連橘半枳朮丸

見鬱門火鬱條

導痰丸

見痰飲門

沉香滾痰丸

見中風門中腑實症條

橘半枳朮丸

見痰飲門症條

保和丸

見內傷門食物內傷條

香砂枳朮丸

見內傷門食物內傷條